


NOZZE
FLORIO - CANCIANI



50 / 3

A LA NUVIZZE

Paronzine me, Giuliane
che a nassi, a cressi su,
ti ài viodude pizzinine
vuè finis di dati il *tu*

che al to cûr al mi leave
come pari, par amôr,
se ancie iò, ta la to ciase,
i' no eri che fatôr!

Ciare, buine, e graziose
tant cui siors che cui puarins,
come fade generose,
tu, tu sôs pai contadins
ca lavorin la to tiere
e superbos son di te,
lôr che i veçios de to stirpe
àn siervût, prime di vuè!

Tu âs volût che alis tôs gnozzis,
fos la umile to int,
ca ti ciale complasude,
cu l'afiet che drenti a sint
e cun vôi e cun preieris
ti compagne su l'Altâr
e cui voi vorès bussati,
e a si dîs: - Ce bon ca pâr!

- Come un agnul, benedete! -
- Oh! ce copie dal Signôr! -
- Ma cialaile che ninine,
se tra i flôrs, no pâr un flôr!

994336566202531
BSO Florio Misc. L. 3

La to int che à la speranze
chi tu tornis tra di no',
come prime fade buine
e pietose plui ca pò,

a vorès in ste zornade
flors e cianz meti ai tiei pîs:
- Paronzine benedete,
torne spès tal to paîs! -

E iò pûr ti ciali e pensi
al biel fat di cheste union,
di dôs stirpis che onoradis
slungiaran la tradizion

cun tanç rams e cun tanç bocui
che nel timp si vierzaran,
ripetint virtûs dai Florios
e da Ciase di Canzian!

lò ti ciali, o biele o buine,
dongie il Spôs ca ti ame tant
e mi pâr che 'ne ombre ciare,
vuè ti vegni compagnant

e ca gioldi da to gionde,
no viodude, ma presint.....

Oh! soi cert che la to mame,
cence viodile, la sint

a clamà sun te ogni grazie,
ogni ben sul to avignè.....

In So nom, vecio di Ciase,
no ti puedio benedì?

Vil di Var, 3 Otubar 1936 - A. XIV

Il to vecio fatôr
QUINTO

